

أيام زمان

آه لو يرجع بينا الزمان
ويعيد لنا أيام زمان
أيام كلها أمان وحنان
أصحاب وأهل وجيران
وفرحة كبيرة بفانوس رمضان
ولمه ساعة المغربيه مش مهم ...
سفرة أو طبليّة المهم اكلة هنيه
وأيام المدرسة والواجب والزوغان ...
من حصّة الألعاب والرسم بالألوان
وجرس الفسحة والكننتين
وحوش المدرسة والتمارين

وفرحة العيد باللبس الجديد
والشنطة والفستان وبدله للصبيان
أيام المرح والفرح والروقان
فيها المودة والرضا بالقليل
وكل شيء كان فيها جميل
فرحة بالرحلات للاحرامات
وحديقة الحيوان ..
وعدا علينا الزمان
أيام كان الجنيه لسه بيه
مكانشى لسه راحت عليه
كبرنا وشوفنا الحياة
من غير تجميل ...
وعرفنا الغدار والاصيل
وقالو سنة الحياة التفاصيل

وجميل الطبع يا محلاه
أحلى من اللى شكله جميل
وشوفنا بختنا
واللى مكتوبلنا عرفناه
واللى ياما استعجلناه
ومحدث خالى م الهم يا ولداه
والخالى م الهم قليل
وعرفنا قيمة اللى
عدا والزمن الجميل
وبيفكرنا بيه أغنيه
او دعوة حلوة
من حد أصيل
آه لو يرجع بينا الزمان
ويعيد لنا أيام زمان